

## Ота-онанинг ёмон дуосидан доимо ҳазир бўлиб туриш



14:34 / 24.05.2024 2149

Ота-онанинг фарзанд ҳаққига ва зиддига қиладиган дуоси ҳақида кўп гапирилади. Аммо ўша гапларга далил бўлган матнларни кўпчилик аниқ билмаслиги мумкин. Шунинг учун бу мавзу бўйича одамлар орасидаги гапларга турли ноўрин маънолар ҳам аралашиб кетган. Келгуси ҳадиси шариф ва ривоятларни ўрганиш жараёнида бу борадаги билимларимизни мустаҳкамлаб ва аниқлаб олишга ҳаракат қиламиз.

لَاقِ : لَاقِ يَلْجُ عِلِّ قِ رُومٍ نَع  
هَلْ لَاقِ يَلْ صِ هَلْ لَاقِ لُوسَر  
نُومَلْ عَتْ لَه : مَلْ سَوِ هِي لَع  
يَفِ عَقَفَن نَم لَصُ فَا عَقَفَن  
هَلْ لَاقِ : اُولَاقِ ؟ هَلْ لَاقِ لِي بَس  
عَقَفَن : لَاقِ . مَلْ عَا هَلْ لُوسَرَو  
دَا زَو . نِي دِلْ اُولَاقِ لَع دَلْ وُلَا  
هَلْ اُمُّ هُوَا عُدُو : لَاقِ : مَثِي هَلَا  
لَصَّ اَلْ اُتْبُ ثِي رِي خُ لَاب  
اُمُّ هُوَا عُدُو ، عَرَفْ لَاقِ اُتْبُ نِي و  
لَصَّ اَلْ اُ رِي بِي رَّشْ لَاب

Муварриқ Ижлийдан ривоят қилинади:

«Расулуллоҳ соллаллоҳу алайҳи васаллам: «Аллоҳнинг йўлида қилинган нафақадан ҳам афзалроқ нафақа борлигини биласизларми?» дедилар.

«Аллоҳ ва Унинг Расули билади», дейишди.

**«Фарзанднинг ота-онага қилган нафақаси», дедилар.**

**Ҳайсам зиёда қилди: «Иккисининг унга қилган яхши дуоси асли собит қилади ва фаръни ўстиради. Дуоибадлари эса асли ҳалок қилади».**

**Шарҳ:** Кўпчилигимизнинг тасаввуримизда Аллоҳнинг йўлида қилинган нафақадан ҳам афзалроқ нафақа бўлиши мумкин эмасдек туюлади. Аллоҳнинг йўлида нафақа қилишга тарғиб этувчи оят ва ҳадислар кўплигидан ва улардаги маъно кучлилигидан мана шундай тасаввур пайдо бўлган.

Худди шу тасаввур саҳобаи киромларда ҳам бор экан. Бу ҳақиқатни яхши билганларидан Набий соллаллоҳу алайҳи васаллам уларга қарата **«Аллоҳнинг йўлида қилинган нафақадан ҳам афзалроқ нафақа борлигини биласизларми?» дедилар».**

Бундай нафақа борлигидан беҳабар бўлганлари учун саҳобаи киромлар ўзларининг Расулуллоҳ соллаллоҳу алайҳи васалламнинг саволларига берган жавобларида: **«Аллоҳ ва Унинг Расули билади», дейишди».**

Уларнинг бу жавобидан кейин Набий соллаллоҳу алайҳи васаллам Аллоҳнинг йўлида қилинган нафақадан ҳам афзалроқ нафақа борлигини баён қилиб, **«Фарзанднинг ота-онага қилган нафақаси», дедилар».**

Демак, фарзанд топганини ота-онага сарфласа, уларга бериб, кўнглини олса, дуосини олса, хурсандчилигига сабаб бўлса, яхшилик етказса, улуғ ишни қилган бўлар экан.

Бу гапларнинг биз ўрганаётган бобга бевосита алоқаси йўқ. Яъни бу ерда ота-онанинг фарзандига дуоси ҳақида очиқ сўз юритилмаган. Бундай сўз энди келади.

**«Ҳайсам зиёда қилди: «Иккисининг унга қилган яхши дуоси асли собит қилади ва фаръни ўстиради. Дуоибадлари эса асли ҳалок қилади».**

Ушбу ҳадиси шарифнинг ровийларидан бири бўлмиш Ҳайсам зиёда қилиб айтибдики: «Агар ота-она ўз фарзандига яхши дуо қилса, шу дуо асли, яъни дуо олган фарзандни собит қилади ва унинг фаръини, яъни болаларини ўстиради, хайрга, баракага кўмдиради.



«Ҳар бир ота-онанинг фарзанди ҳақида кунига бир марта ижобат бўладиган дуоси бор. Агар қодир бўлсанг, ҳалок бўлувчи маҳрум бўлма».

**Шарҳ:** Демак, ота-онанинг дуоси бир кунда ҳеч бўлмаса бир марта қабул бўлиши бор экан. Фарзанд ана шу дуони олиб қолиш ҳаракатида бўлиши керак экан. Шу дуони олиб қолмаса, кўп нарсадан маҳрум бўлар экан.

اَلدِّىلْ اَوْلَا ؕ وَّعَدَ : اَلْاَقِىَّةِ دِهْ اَجْمُ نَع  
لَجَّوْ زَعَه لَلْا نُوْدُ بَجْحُتْ

Мужоҳиддан ривоят қилинади:

«Ота-онанинг дуоси Аллоҳ азза ва жалладан тўсилмас».

**Шарҳ:** Ота-она боласининг ҳаққига дуо қилдими, бас, тўсиқ йўқ, тўғридан-тўғри қабул қилинади. Шунинг учун ҳар бир фарзанд ота-онасининг дуосини олишга доимий равишда ҳаракат қилиб туриши лозим.

نَسَخْلُلُ تَلُقُ : اَلْاَقِىَّةِ دِي زُ نَع  
دَلْوَلْ نِي دِلْ اَوْلَا ؕ اَعْدُ اَم  
تَلُقُ : اَلْاَقِىَّةِ اَجْن : اَلْاَقِ  
هُلْ اَصْنِئْتُ سَا : اَلْاَقِىَّةِ لَعَفُ

Зайддан ривоят қилинади:

«Ҳасанга: «Ота-онанинг боласига яхши дуоси нима?» дедим.  
«Нажот» деди. «Ёмон дуоси-чи?» дедим. «Тағ-туғи билан  
қўпорилиши», деди».

**Шарҳ:** Демак, доимо ота-онанинг хайрли дуосини олиш пайида бўлиш керак экан. Ана шунда фарзанд нажот топар экан.

Ота-онанинг ёмон дуосидан доимо ҳазир бўлиб туриш керак экан. Ана шунда фарзанд таг-туғи билан қўпорилишдан омонда бўлар экан.

**«Яхшилик ва силаи раҳм» китоби 1-жуз.**

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7613-рақамли хулосаси асосида тайёрланган.